

唐文治 編纂

上海人民出版社

十三經讀本

第四冊

春秋左氏傳
春秋公羊傳
春秋穀梁傳

唐文治 編纂

上海人民出版社

十三經讀本

第四冊

春秋左氏傳
春秋公羊傳
春秋穀梁傳

高保氏傳

--	--	--	--

春秋左傳讀本凡例

一春秋經旨闕深左氏傳原始要終使讀者自得其意也昭二年傳云韓起見魯春秋曰吾乃今知周公之德是魯春秋本周之舊典著于策書孔子承述之傳惟疏證其事聖人微旨具在其中哀十四年句繹以下賈逵云此下弟子所記明弟子未得策書左傳亦不爲續經解說今正經以左氏爲傳故不復爲經作注惟解釋傳義以爲讀本

左傳讀本

凡例

一

一古人經傳各自爲書惟左氏春秋經傳自古相附十八卷襄二十六年經前之傳杜預注云當繼前年之末而特跳此者傳寫失之是杜預以前之本襄公二十六年別爲卷首又傳在經前也其序言分經傳相附隨而解之蓋自以注附之其分經傳正文相附必不始于預也據襄二十六年所注知卷目已古今依用之爲讀本三十卷

一經文公羊穀梁二本異者多屬方言左氏則策書

正文故不旁引至杜預以傳推得經中闕文則爲采取附入傳注中以備經義

傳文轉寫增損改易者僖十五年傳自曰上天至裁之四十二字唐定本無之而唐俗本沿而不革今岳本亦有之非也襄二十七年傳與宋致死四字注疏本有而岳本無之岳本是也今用岳本爲之旁引入音釋中此皆是非易明故不爲繁論但存異文俾小學知古文有異同當致慎且以知古

左傳讀本

凡例

二

來學術盛衰卽文字多少之數可以見其時儒風所嚮襄二十八年岳本有亂十人昭二十四年十人上乃增臣字則是岳本慎于前而疏于後也宣十二年傳楚人憖之說文引黃顓本正作畀之成十八年傳正月辛巳服虔本作辛末此則晉本已誤亦引入音釋中庶爲愛素好古者導夫先路焉一史書干支文易錯誤杜預推二百四十餘年朔望閏月用意最密經傳誤字均可指正後人譏杜氏

改經就傳不得爲左氏功臣其言非也凡杜氏所推誤字有關事迹者均爲錄出襄九年傳閏月戊寅定以閏月爲門五日屬上句戊寅爲濟師日屬下句詳音釋中古人均以實事求是非改經傳也一字音今古不同自有四聲後而音讀紛然矣此本音讀皆以經典釋文爲本間有反切不合今讀者則以音韻闡微正之

一左傳之說以劉歆賈逵許慎爲古漢時鄭眾許淑

左傳讀本 凡例

三

服虔董遇穎容晉時杜預皆能名家自杜注單行舊說猶可搜輯國語史記異同亦足以引證杜說獨精者則標預名顯與儒先異同或從或否亦標其名其尋常解詁則平敘之芟其繁說增附舊聞傳引易書詩禮自是周人師說與漢以後傳義不能強合今惟就其文申引之大歸平易近人爲宗不敢迂苛亦不詭隨俗議要于經傳可通人事有益注解異于經論故不辦公穀異義其何休膏肓

則指攻左傳今用鄭氏箴義通于注中不盡標何鄭名目以弭爭訟史通亦膏肓之流今傳文既通則不必更爲旁辨王肅有心立異不復廣加采錄劉炫孔穎達陸德明則錄其所長至于趙匡啖助勃谿纖佻多不足辨其後帖括經義比次成書均不復引駁以省簡牘

史學以地里爲重可以見賢愚成敗得失之迹杜預初據晉泰始官司空圖及江表平荆揚徐三州

左傳讀本 凡例

四

改用新貢圖籍以求審也其一地二名二地一名辨之最詳近人高士奇顧棟高江永各有成書而越國鄙遠之說見于左傳正文後儒多忽之魯地在今許州鄭地在今泰安晉地在今范縣皆鄙遠之證惟晉大國秦不能越之故鄭以爲難明他國則不然也凡此之類皆實以今地隨條疏之其有古今異名若豫章則左傳漢書南北各別此亦杜說精審非後人所及特發例于此以杜羣惑至于

師行曲折容有別道出奇而傳記大略其軌躅所
循難以尺寸指實昭五年楚伐吳之役羅汭萊山
東西迂折則地志之說難以取證杜預不言所在
蓋大略可知不宜隨取一地實之反致窒塞也

一天文五行占家不同而左氏自有占法今就其義
敷暢之不復更引他家至日食可以檢朔其說始
於東漢春秋時尚不知日食可由算得也二百四
十餘年所載僅三十六則其時必有疏失左氏又

左傳讀本

凡例

五

多無傳至襄二十一年九月十月二十四年七月
八月皆比月日食相距僅二十九日有奇于日行
食限不合而漢時高祖三年文帝前三年皆有之
定由其時史官證記後人不可以臆更正此當因
而存之以見舊式其他有占驗者隨條說之使大
旨可通亦以見其時人事得失因以垂戒

春秋左傳讀本卷一

後學施肇曾謹刊

隱公名息姑惠公之子母聲子諡法不尸其位曰隱

傳惠公元妃孟子卒繼室以聲子生隱公宋武

公生仲子仲子生而有文在其手曰為魯夫人故仲

子歸于我生桓公而惠公薨是以隱公立而奉之

魯周公國今曲阜惠公孝公子宋今商邱子宋姓孟長也聲諡也諸侯娶元妃其媵姪娣八人元妃卒則長姪娣繼室仲子手文曰為魯夫人魯古作亥文或似之隱公立桓為惠公太子而已攝位以

左傳讀本卷一 隱公

奉之傳於元年之前預發此語是謂先經以始事也

經元年春王正月三月公及邾儀父音甫盟于蔑

夏五月鄭伯克段于鄆音煙秋七月天王使宰咺音烜

來歸惠公仲子之賵音芳切九月及宋人盟于宿

冬十有二月祭伯來公子益師卒

傳元年春王周正月不書即位攝也

經言王正月傳言王周正月者子周王正丑殷王正寅夏王正傳謂此王正周之王正也申言攝者公不行即位禮

三月公及邾儀父盟于蔑邾子克也宋王命故不書爵曰儀父貴之也公攝位而欲求好去聲於邾故為蔑之盟

邾附庸國今鄒縣蔑在今泗水爵稱子君名克字儀父

夏四月費祕伯帥師城郕不書非公命也

費郕二邑皆在今魚臺與季氏費別非君命故舊史冊不載左氏多旁采簡牘之文自附於傳

初鄭武公娶于申曰武姜生莊公及其下音恭同叔段莊

公廩生驚姜氏故名曰廩生遂惡之去聲愛其叔段欲

左傳讀本卷一 隱公

立之音器亟請於武公公弗許及莊公即位為去聲之請

制公曰制巖邑也虢叔死焉他邑唯命請京使居之

謂之京城大去聲聲叔祭音蔡仲曰都城過百雉國之害也

先王之制大都不過參音三國之一中五之一小九之

一今京不度非制也君將不堪公曰姜氏欲之焉音煙

辟音避害對曰姜氏何厭音淹之有不如早為之所無使

滋蔓蔓難圖也蔓草猶不可除況君之寵弟乎公曰

多行不義必自斃子姑待之既而大叔命西鄙北鄙

貳於已公子呂曰國不堪貳君將若之何欲與大叔
臣請事之若弗與則請除之無生民心公曰無庸將
自及大叔又收貳以爲己邑至于廩延子封曰可矣
厚將得眾公曰不義不嘒厚將崩大叔完聚繕甲兵
具卒乘去聲將襲鄭夫人將啟之公聞其期曰可矣命
子封帥車二百乘以伐京京叛大叔段入于鄆音煙
公伐諸鄆五月辛丑大叔出奔共書曰鄭伯克段于
鄆段不弟音悌故不言弟字如如二君故曰克稱鄭伯譏

左傳讀本 卷一 隱公

三

失教也謂之鄭志不言出奔難之也遂寘姜氏于城
潁而誓之曰不及黃泉無相見也旣而悔之潁考叔
爲潁谷封人聞之有獻於公公賜之食食舍上聲肉公
問之對曰小人有母皆嘗小人之食矣未嘗君之羹
請以遺去聲之公曰爾有母遺音伊我獨無潁考叔曰
敢問何謂也公語去聲之故且告之悔對曰君何患焉
苦闕地及泉隧而相見其誰曰不然公從之公入而
賦大隧之中其樂也融融姜出而賦大隧之外其樂

也泄泄音異遂爲母子如初君子曰潁考叔純孝也愛
其母施音異及莊公詩曰孝子不匱永錫爾類其是之
謂乎

鄭都今新鄭申在今南陽姜姓國制卽虎牢在今
汜水西本東號統叔地鄭滅統叔取之京城在今
榮陽縣東南廩延今延津地鄆今鄆陵縣地其今
輝縣城潁在今臨潁縣廩生者史云生之難一曰
寐而生之寤而始知其生故驚大都當國城三分
之一中都五分之一小都九分之一今都城過百
雉雉飛橫三丈叔段之城過三百丈而鄭伯爵城
方五里而當九百丈京過三分之一故曰不度命
西鄆北鄆貳於已謂使邊鄆公邑亦屬於已若兩
有所屬者然以爲己邑則取之不屬公矣不義不

左傳讀本 卷一 隱公

四

嘒者不義於君不嘒於兄祭仲公子呂皆鄭大夫
子封卽公子呂書曰克者段據大都勢如二君斥
言鄭伯克之不稱國討者譏鄭伯不制之於早是
志在殺之故難言其出奔潁考叔鄭之典封疆者
食舍肉君賜小臣食無體薦有肉羹考叔不啜羹
欲以發問公曰緊者語助聲考叔教公闕地及泉
而爲隧道融融和樂泄泄舒散是考叔之孝所錫
及引詩錫類言孝能感通其類凡傳引君子曰其
時評論得失之言

秋七月天王使宰咺音烜來歸惠公仲子之賵切芳鳳緩
且子氏未薨故名天子七月而葬同軌畢至諸侯五
月同盟至大夫三月同位至士踰月外姻至贈死不

及尸弔生不及哀豫凶事非禮也

宰官恒名賄助葬之物緩賄惠公生賄仲子皆非也天子七月則同軌之國皆能至諸侯五月大夫三月士踰月皆量致弔者遠近為差大夫三月蓋以三十日為一月士踰月蓋度一月亦首尾兼三
月故禮言士三月葬與此通也不及尸謂已葬不及哀謂不及弔唁之期仲子未薨不可豫賄

八月紀人伐夷夷不告故不書有蜚費不為災亦不書

紀今壽光地夷國今即墨地蜚負盤也郭璞云莫蟲本草云蜚厲蟲
惠公之季年敗切必邁宋師于黃公立而求成焉九月

左傳讀本卷一 隱公

五

及宋人盟于宿始通也

敗敗之也黃今考城地宿在今東平州

冬十月庚申改葬惠公公弗臨故不書惠公之薨也
有宋師大子少葬故有闕是以改葬衛侯來會葬不見公亦不書

惠公薨時宋師蓋報黃之役故求成而後改葬公不臨衛侯不見公以公讓不為喪主

鄭其叔之亂公孫滑出奔衛衛人為聲之伐鄭取廩

延鄭人以王師號師伐衛南鄙請師於邾邾子使私

於公子豫豫請往公弗許遂行及邾人鄭人盟于翼不書非公命也

號為西號今陝州與鄭制東號別翼今鄒縣地公孫滑叔段子

新作南門不書亦非公命也

十二月祭伯來非王命也

祭周畿內國伯爵來非王命見公故書

眾終父卒公不與聲小斂故不書日

眾終父音甫卒公不與聲去聲小斂故不書日眾父公子益師字君錄其喪故卒之當小斂時君不視故不詳其日

左傳讀本卷一 隱公

六

經二年春公會戎于潛夏五月莒人入向無駭

戶楷切帥師入極秋八月庚辰公及戎盟于唐九

月紀裂繻須來逆女冬十月伯姬歸于紀無紀

子帛莒子盟于密十有二月乙卯夫人子氏薨無傳

鄭人伐衛

傳二年春公會戎于潛脩惠公之好聲也戎請盟公

辭

戎人居中土者其會禮蓋順其俗為之公辭盟至秋始為唐之盟潛魯地

莒子娶于向。向姜不安。莒而歸。夏。莒人入向。以姜氏還。

莒今莒州。紀姓國。亦曰己氏。向在今莒州南七十里。姜姓國。傳言失婚姻之義。

司空無駭入極。費庠。

音甫。音勝。之。

極在今魚臺西。附庸國。魯三卿司徒司馬司空無駭。未賜族。庠父城郎之費伯也。費郎皆今魚臺傳言入極。乃庠父之功。

戎請盟。秋。盟于唐。復脩戎好也。

唐一名棠。在今魚臺東北。傳止言秋經言八月庚辰。杜預云。八月無庚辰。庚辰七月九日也。經傳干。

左傳讀本

卷一 隱公

七

支多轉寫致誤。

九月。紀裂繻來逆女。卿爲去聲君逆也。

十月伯姬歸于紀。其待年之媵曰紀叔姬。以七年三月歸于紀。俱見經。

冬。紀子帛莒子盟于密。魯故也。

密今昌邑縣地。子帛裂繻字也。莒魯有怨。紀魯姻盟。莒和解之。故比之內大夫書。莒子上。

鄭人伐衛。討公孫滑之亂也。

治元年取廩延之亂。

經三年春王二月己巳日有食之。無傳。三月庚戌天。

王崩。夏四月辛卯君氏卒。秋武氏子來求賻。音附

八月庚辰宋公和卒。冬十有二月齊侯鄭伯盟

于石門。癸未葬宋穆公。無傳

傳三年春王三月壬戌平王崩。赴以庚戌。故書之。

赴先十二日。欲諸侯速至。經書其僞。以愍其過。

夏君氏卒。聲子也不赴于諸侯。不反哭于寢。不耐于

姑。故不曰薨。不稱夫人。故不言葬。不書姓。爲去聲公故

曰君氏。

左傳讀本

卷一 隱公

八

赴則受弔。反哭虞祭。始成葬禮。耐于姑始成祭禮。公不敢正君禮。故不敢備禮于其母。

鄭武公莊公爲平王卿士。王貳于虢。鄭伯怨王。王曰

無之。故周鄭交質。去聲王子狐爲質于鄭。鄭公子忽爲

質于周。王崩。周人將昇號公政。四月鄭祭。音蔡足帥師

取溫之麥。秋又取成周之禾。周鄭交惡。去聲君子曰。信

不由中質無益也。明恕而行。要。平聲之以禮。雖無有質。

誰能閒。音諫之。苟有明信。澗谿沼沚之毛。蘋蘩蕓。音溫藻

之菜。筐筥錡。音釜釜之器。潢汙行潦之水。可薦於鬼神。

可羞通於王公而況君子結二國之信行之以禮又焉音用質風有采繁采蘋雅有行葦洞酌昭忠信也

温今懷慶温縣成周今洛陽鄭世爲王卿士平王欲兼任西虢公鄭伯怨王王釋鄭之怨故交爲質王崩周將成平王本意鄭遂取周麥禾周四月建卯麥未熟秋當今之夏禾亦未熟蓋芟踐之山夾水曰澗水注川曰谿沼池也止小渚也毛謂草蘋大萍季春始生可慘蒸爲茹繁幡蒿秋可食蘊藻聚藻生水底莖如釵股葉如蓬竹器方曰筐圓曰筥釜有足曰錡無足曰釜潢汙水行潦流潦采繁采蘋義取薄物行葦取忠厚洞酌取挹行潦此傳鄭不尊王其罪易見君子之言但泛論專尙盟益質無

左傳讀本 卷一 隱公

九

武氏子來求賻王未葬也

武氏子王卿之嗣魯不供喪致來求賻交失之十二月葬宋穆公魯會葬故書魯亦不會王葬非禮

宋穆公疾召大司馬孔父音甫而屬殤公焉曰先君

舍上聲與夷而立寡人寡人弗敢忘若以大夫之靈得

保首領以沒先君若問與夷其將何辭以對請子奉

之以主社稷寡人雖死亦無悔焉對曰羣臣願奉馮

音憑也公曰不可先君以寡人爲賢使主社稷若弃德

不讓是廢先君之舉也豈曰能賢光昭先君之令德

可不務乎吾子其無廢先君之功使公子馮出居於鄭八月庚辰宋穆公卒殤公卽位君子曰宋宣公可

謂知人矣立穆公其子饗之命以義夫音扶商頌曰殷

受命咸宜百祿是荷平上二音其是之謂乎

宋穆公宋公和宣公弟也殤公與夷宣公子也馮穆公之子莊公宋宣公舍子立弟弟亦命出於義

子能荷其祿此是殷禮宋殷後故稱商頌

冬齊鄭盟于石門尋廬之盟也庚戌鄭伯之車債弗

切于濟

左傳讀本 卷一 隱公

十

石門廬皆今長清地石門濟水之門廬盟在春秋前債仆也

衛莊公娶于齊東宮得臣之妹曰莊姜美而無子衛

人所爲去聲賦碩人也又娶于陳曰厲嬀九危切生孝伯

早死其娣戴嬀生桓公莊姜以爲己子公子州吁嬖

人之子也有寵而好去聲兵公弗禁莊姜惡去聲之石碣

七畧諫曰臣聞愛子教之以義方弗納於邪驕奢淫

逸音所自邪也四者之來寵祿過也將立州吁乃定

之矣若猶未也階之爲禍夫寵而不驕驕而能降降

而不憾憾而能眡音珍者鮮矣且夫賤妨貴少陵長

聲上遠間音諫親新間舊小加大淫破義所謂六逆也君

義臣行父慈子孝兄愛弟敬所謂六順也去上順效

逆所以速禍也君人者將禍是務去而速之無乃不

可乎弗聽其子厚與州吁游禁之不可桓公立乃老

齊今臨淄姜姓國陳今陳州嬌姓國莊姜言東宮

妹者謂與大子同母齊元妃女也無子者不見荅

又娶於陳者諸侯備三宮夫人世婦也莊姜仍自

爲衛元妃石碯衛大夫言驕奢淫洗人所由邪欲

立州吁亦宜以義方定之不可使階緣爲禍

循之致憾則不能自安自重眡者安也重也

左傳讀本

卷一 隱公

七

經四年春王二月莒人伐杞取牟婁無傳戊申衛州

吁弑其君完夏公及宋公遇于清宋公陳侯蔡

人衛人伐鄭秋翬音揮帥師會宋公陳侯蔡人衛人

伐鄭九月衛人殺州吁于濮音卜冬十有二月衛

人立晉

傳四年春衛州吁弑桓公而立公與宋公爲會將尋

宿之盟未及期衛人來告亂

夏公及宋公遇于清

清衛邑在今東阿與齊邑在長清者別宿

盟在元年遇者簡于會禮蓋憂鄰國之亂

宋殤公之卽位也公子馮出奔鄭鄭人欲納之及衛

州吁立將脩先君之怨於鄭而求寵於諸侯以和其

民使告於宋曰君若伐鄭以除君害君爲主敝邑以

賦與陳蔡從則衛國之願也宋人許之於是陳蔡方

睦於衛故宋公陳侯蔡人衛人伐鄭圍其東門五日

而還公問於眾仲曰衛州吁其成乎對曰臣聞以德

和民不聞以亂以亂猶治絲而棼之也夫州吁阻兵

左傳讀本

卷一 隱公

三

而安忍阻兵無眾安忍無親眾叛親離難以濟矣夫

兵猶火也弗戢將自焚也夫州吁弑其君而虐用其

民於是乎不務令德而欲以亂成必不免矣

宋陳蔡衛同伐鄭宋畏鄭納馮衛則以助公孫滑

亂二年鄭來伐因怨鄭陳蔡助衛蔡今上蔡新蔡

也時列國篡立者諸侯與之會則無復討之者故

州吁求此寵以脅和其民眾仲魯大夫言恃兵則

民殘民殘則眾叛安忍則刑過刑過則親離

秋諸侯復伐鄭宋公使來乞師公辭之羽父音甫請以

師會之公弗許固請而行故書曰翬帥師疾之也諸

侯之師敗鄭徒兵取其禾而還

翬字羽父鄭不車戰故曰徒兵時在九月殺州吁前則七八月事當今五六月亦芟踐其禾爾

州吁未能和其民厚問定君於石子石子曰王覲爲

可曰何以得覲曰陳桓公方有寵於王陳衛方睦若

朝陳使請必可得也厚從州吁如陳石碚使告于陳

曰衛國褊小老夫耄矣無能爲也此二人者實弑寡

君敢即圖之陳人執之而請蒞于衛九月衛人使右

宰醜蒞殺州吁于濮石碚使其宰獯音羊肩蒞殺石

左傳讀本 卷一 隱公

三

厚于陳君子曰石碚純臣也惡去聲州吁而厚與音焉

大義滅親其是之謂乎

諸侯之寵未能定位故言王覲爲可謂王許其覲則免討而民志和定厚懼王討故曰何以得覲

教之如陳使請王也陳侯曰桓公傳以後得諡號追書之蒞臨也濮陳地水名在今陳州城北大義

當斷明小義則可兼子愛之

衛人逆公子晉于邢冬十二月宣公即位書曰衛人

立晉眾也

邢國今邢臺衛人逆之不言入善其得眾

經五年春公矢魚于棠夏四月葬衛桓公秋衛

師入郕音成九月考仲子之宮初獻六羽邾人鄭

人伐宋螟音無傳冬十有二月辛巳公子彊音苦侯切

卒宋人伐鄭圍長葛

傳五年春公將如棠觀魚者臧僖伯諫曰凡物不足

以講大事其材不足以備器用則君不舉焉君將納

民於軌物者也故講事以度軌量謂之軌取材以章

物采謂之物不軌不物謂之亂政亂政亟行所以敗

左傳讀本 卷一 隱公

四

也故春蒐音夏苗秋獮音冬狩皆於農隙以講事也

三年而治兵入而振旅歸而飲至以數上聲軍實昭文

章明貴賤辨等列順少長習威儀也鳥獸之肉不登

於俎皮革齒牙骨角毛羽不登於器則公不射古之

制也若夫山林川澤之實器用之資阜隸之事官司

之守非君所及也公曰吾將略地焉遂往陳魚而觀

之僖伯稱疾不從書曰公矢魚于棠非禮也且言遠

地也

棠今魚臺城東北十二里有魯侯觀魚臺地居曲阜西南為宋魯界上公欲大設捕魚之備觀之臧僖伯諫言漁獵之備獵以講禮戎大事皮革齒牙骨角毛羽備器用所以度軌備物故春田蒐擇不孕者夏田為苗除害秋田順氣獮殺冬田圍狩皆於農功四時之隙三年則大治兵入有振整眾旅之禮歸飲於廟日飲至以數車徒器械以昭車服旌旗以明貴賤之秩以辨等列之次以順少長之序以習威儀之則若漁及漁器則有司存非君所及也公遜辭略地略巡行也言巡行邊境諱遠地也

曲沃莊伯以鄭人邢人伐翼王使尹氏武氏助之翼侯奔隨

左傳讀本 卷一 隱公

五

翼初封唐後曰晉姬姓國曲沃今聞喜地亦曰新城晉別封成師之邑翼今翼城縣晉故絳也時晉都之隨今介休縣地與隨國別尹氏武氏周大夫族莊伯成師子也

夏葬衛桓公衛亂是以緩

四月鄭人侵衛牧以報東門之役衛人以燕師伐鄭

鄭祭足原繁洩駕以三軍軍其前使曼音萬伯與子元

潛軍軍其後燕人畏鄭三軍而不虞制人六月鄭二

公子以制人敗燕師于北制君子曰不備不虞不可

以師

牧衛邑今汲縣地燕今昨城縣地此南燕姑姓國春秋所謂燕皆南燕其姬姓國別名之曰北燕制今汜水二公子曼伯子元也虞慮也

曲沃叛王秋王命虢公伐曲沃而立哀侯于翼

翼侯已奔隨故立其子光

衛之亂也邾人侵衛故衛師入邾

邾國今汶上縣

九月考仲子之宮將萬焉公問羽數於眾仲對曰天子用八諸侯用六大夫四士二夫舞所以節八音而

左傳讀本 卷一 隱公

六

行八風故自八以下公從之於是初獻六羽始用六

佾音逸也

考成也仲子桓母以非元妃故別立廟萬千舞也亦為舞總名文舞用籥故問羽數八六四二皆方列自乘之八為六十四人六為三十六人四為十六人二為八人也八音金石絲竹匏土革木之器以舞合其音節八風者東谷風東南清風南凱風西南涼風西閭闔風西北不周風北廣莫風東北融風人舞動行之八音八風竹合廣莫土合融革合谷匏合清明絲合凱石合涼金合閭闔木合不周皆以舞節行之

宋人取邾田邾人告於鄭曰請君釋憾於宋敝邑為

道音導鄭人以王師會之伐宋入其郛以報東門之役

宋人使來告命公聞其入郛也將救之問於使去聲者

曰師何及對曰未及國公怒乃止辭使者曰君命寡

人同恤社稷之難去聲今問諸使者曰師未及國非寡

人之所敢知也

郭郭也東門役在四年公知而問故使者忿而改命皆失之七年公仍為伐郛之師

冬十二月辛巳臧僖伯卒公曰叔父有憾於寡人寡

人弗敢忘葬之加一等

左傳讀本卷一 隱公

七

僖伯公子彌有憾請諫觀魚不聽加一等謂命服之等

宋人伐鄭圍長葛以報入郛之役也

長葛今縣屬許州

經六年春鄭人來渝音平夏五月辛酉公會齊侯

盟于艾五蓋切秋七月冬宋人取長葛

傳六年春鄭人來渝音平更平聲成也

渝更也平成也言改約棄前惡公為公子時為鄭所執怨鄭鄭宋結怨宋求魯助公怒宋使者失辭不救困厚鄭故鄭來

翼九宗五正頃音甫父音甫之子嘉父逆晉侯于隨納

諸鄂晉人謂之鄂侯

唐叔始封受懷姓九宗職官五正九宗一姓為九族五正五官之長嘉父翼大夫翼以王命立哀侯今更納哀侯之父於鄂鄂音地

夏盟于艾始平于齊也

艾在今萊蕪齊魯前不平今始平

五月庚申鄭伯侵陳大獲往歲鄭伯請成于陳陳侯

不許五父音甫諫曰親仁善鄰國之寶也君其許鄭陳

左傳讀本卷一 隱公

六

侯曰宋衛實難去聲鄭何能為遂不許君子曰善不可

失惡不可長上聲其陳桓公之謂乎長惡不悛七全切

從自及也雖欲救之其將能乎商書曰惡之易音異也

如火之燎于原不可鄉音向邇其猶可撲滅周任音王有

言曰為國家者見惡如農夫之務去草焉芟夷蕞崇

之絕其本根勿使能殖則善者信音伸矣

五父陳公子佗也陳侯謂鄭非大國不足畏難君子言惡不可長如火燎原則不可撲滅惡之當去如去草芟夷芟殺蕞崇聚之根絕不復能殖則善不得伸喻陳當自抑制也周任周大夫

秋宋人取長葛

經書於冬冬始來告經書秋七月無事必書者舉四時以成年若秋八月九月有事則其時已見若通一時三月內皆無事則書其時孟月此春秋法也若不見其時則屬闕文其隱公元年春三月有蔑盟仍書王正月者見公不行即位禮定元年春王三月有事不書正月者以定公六月即位此是記載法則左氏傳經義亦不於此言褒貶予奪

冬京師來告饑公爲去聲之請糴於宋衛齊鄭禮也

國內其命不足禮得旁請鄰國

鄭伯如周始朝桓王也王不禮焉周桓公言於王曰

左傳讀本 卷一 隱公

九

我周之東遷晉鄭焉依善鄭以勸來者猶懼不饒其器況不禮焉鄭不來矣

周采邑本在今鳳翔時地入秦子孫仍其名稱桓公名黑肩平王東徙晉文侯鄭武公左右王室故曰晉鄭焉依載至也

經七年春王三月叔姬歸于紀無傳滕侯卒夏城

中丘齊侯使其弟年來聘秋公伐邾冬天王

使凡伯來聘戎伐凡伯于楚丘以歸

傳七年春滕侯卒不書名未同盟也凡諸侯同盟於

是稱名故薨則赴以名告終稱嗣也以繼好去聲息民謂之禮經

盟以名告神故薨以名告同盟

夏城中丘書不時也

中邱今蘭山地

齊侯使夷仲年來聘結艾之盟也

秋宋及鄭平七月庚申盟于宿公伐邾爲去聲宋討也

鄭既渝平今與宋平公失鄭援而懼宋故爲討邾

左傳讀本 卷一 隱公

十

初戎朝于周發幣于公卿凡伯弗實冬王使凡伯來聘還戎伐之于楚丘以歸

凡今輝縣地楚邱戎邑在曹縣東南五十里與滑縣東之楚邱有別凡伯失禮于戎戎惡之後聘魯經戎地故戎伐之不言凡伯敗者單使無眾也戎州今曹縣地

陳及鄭平十二月陳五父如鄭洧盟王申及鄭伯盟

歆如忘去聲洧伯曰五父必不免不賴盟矣鄭良佐如

陳洧盟辛巳及陳侯盟亦知陳之將亂也

洧盟使人臨之歆歆血忘者志不在也洧伯即洧駕不賴盟則無所賴恃良佐鄭大夫知陳將亂以